

譯本 國文原著已登在  
本誌第六十一期

## ●開智進德會設立幼稚園之問題

我越南貧困之流弊。想無以異於遠東及印度諸國。最要者爲社會問題。誠難解決也。屬歐洲則雖同此境遇。然只限於工民聚集之區域而已。若亞洲則不然。凡人民生活猶屬於耕農辰期之各方。如我國中圻北圻諸地。因地少民多之故。而常見其鮮能脫離此困難光景。而此光景則於北圻之平原地。及中圻北部各省爲最慘烈。以其地方農務之所入無幾。故辰有凶荒之患。在歐洲凡屬於困苦的情狀。常發生於都會間。故其救濟之方法最易。若夫我國則社會貧困情狀多見其波及於各地方。且加以貧民特占多數。故其救濟方法寔難爲力也。

近來東法政府亦曾籌料救災濟貧的方法。如改良育蠶。引水入田。開通道路。以及於醫濟賑貧各仁政。賴此而人民之生活計亦得稍舒。雖然。政府所設立之各機關原有定限。而成效之期尤必需以辰日。故雖暫辰就一部份上觀。或能稍裕。而就社會之全體上觀。則原來困難之光景猶然存在也。今日欲濟政府之所不逮。以爲斯民增造幸福者。惟憑於私人團體之毅力以行之而已。

開智進德會之設立。對於我國社會之進化前途。曾抱負其有引進贊助之天職。然則屬於上段所敍。補助政府救濟斯民之功業。惟開智進德會之團體。須擔認而寔行之。因是本會近者招集全體大會。得各會員之同意贊成。由管治委員會對於社會切寔之間題。籌料其療貧濟困之方法。隨本會的能力。則可以舉行左敍之各事務。

其一交由本會各省會員。查考其屬轄內關於救濟的問題之要著。公佈其可以療貧濟困之方法。並指導人民屬於墾荒之利。預防之計云者。仍這各個事務。本會只勞研究鼓動之力而已。

其二 本會須發起其救濟之特別任務。此等任務要先預定其計劃。蓋以其實行一個功業。須先籌定經費而後可。職是之故。本會管治委員會決議先從一個明白的範圍。決定其切實力行之界限。俾對於社會上有實際利益而不至於迂泛之舉動云。此北圻現日各幼稚園之設立所由發起也。  
△關於幼稚園之取義。「幼稚園」三字發起自日本國。而中國今日亦有倣行之。蓋設此園以保育嬰兒。亦可謂之為育嬰院。即如開智會今日所預定設立在北圻境內關於保育嬰兒之各所是也。日本國原為工藝國。故幼稚園之設。原模倣歐洲工藝蕃盛的都市(如法國之北部及德國云云)之幼稚園制度而設立也。吾人今日亦借用「幼稚園」的名稱。以名諸本會所設立之各所。蓋幼稚園三字其義頗渾不露出救濟等意。殊令人情易以相安也。然本會所設立之各幼稚園。乃隨本會之能力及南國社會之情勢。而特別定其適合的規式。無須一一倣效歐洲及日本之幼稚園的規式。雖然規式上間有不同。而其關於保助社會貧困的猩孩之目的。則一也。

△鄉村之光景！凡吾人一經過北圻中州及中圻北部之各村落。無不證認這等村落間貧苦之民。寔占多數。嗟嗟此等窮丁下戶之貧民。特不過寄託於一間懸罄之漏屋中。終日勞勞覓衣索食。而其生計將養身之不暇。何暇贍及家人。傭工者流一日所得無幾。而終年須離家以服役於外。幾若這等工人。乃以其身為奔走求生之身。而非是以其身為管顧家庭保養子女之身也。夫南國村民之情景與法國村民之情景大不相同。法國村民雖屬下流。其工資亦足以自贍。若南國村民則不然。血汗之所輸。亦不足以換衣食。而未必終年盡皆為有工可傭之日。設有為之語曰。『北圻中游及中圻北部各省之村民。間有終年雖碌碌就役。而每日常不得覓一飽者。』噫此語想凡有熟

悉鄉村之情景者。亦公認其非誣矣。夫鄉村之情景如此。令人目擊之下。其可悲痛爲何如。而最可悲痛者。彼等鄉村的貧民之幼穉的女子。含生負氣亦人類也。誰爲乳哺。誰爲保育。彼等將何所依託以享有生人之趣哉。吾人常見夫鄉村之貧民。終日其夫若婦傭功於各富戶。每日早起則以其三四歲之子。若女交托於彼等稍長之兄或姊或僂僂之老親。代爲管顧。非然者。則或以繩繫於柱邊。或幽閉於一房。使之不能外出。以避意外的危險。嗟彼兒童。終日爲牢中無罪之囚。寢睡於此嬉遊於此。且穢臭亦聚於此。其異於豚豕者幾希。吾人當留心觀察及鄉村兒童之光景。即能直接發見社會上可驚可憫之情形。夫彼等兒童之境遇如此。無怪乎形體日就瘦弱。而彊者則生。弱者則死。乃淘汰自然之公例。縱幸而不死。所留遺之人種。亦不過病弱之民而已。試觀如北圻興安省內之某社。於十歲以下之兒童百人中。疾病者已七十人。其餘三十人。庶幾無疾。而亦不甚康健。上敍特不過略舉其梗概。若夫貧兒所受之苦。况誠難枚舉。總而言之。村民之貧困。致不能顧及孩童者。大約已占過半之數。此非我南人不知愛其子女也。蓋愛而不知養之之法。卽知養之之法。而困貧所累。勢亦不能實行之者也。今欲補救上敍之情況。而曰僅藉政府派人演說衛生一事。噫。此寔迂泛之談而已。夫欲濟現辰之苦。除非寔行想難有效。今日開智進德會之設立各個幼稚園者。正欲於數年間。盡心寔行其救濟之方法。俾能減殺吾民所受之苦痛者也。

△ 幼穉園之組織 一現下北圻地方每社均有神亭或佛寺各所。其規制頗廣闊。而每年之所應用者。僅爲開會日。或祭神日。聚集之地點而已。今欲於何村社設立幼穉園。則想宜借用此地點。以爲收養兒童之所。此等兒童。則專設保姆以管顧之。保姆所行之事務。最爲單簡。凡鄉內貧民。携孩兒

以交管者。保姆卽爲收認。保姆須保兒童之淨潔。管顧兒童之遊息。並其飲食。每日餉以二飯。或由兒童之父母支給。或由開智進德會。於兒童有目痛皮瘡之微恙。保姆須知療治之方法。園中只認養七歲以下之孩童而已。蓋七歲以上之兒。或投身於學堂。則其管顧之責屬於教員。不然者受雜役之差使。亦足有自力者也。

△保姆之選擇——我安南社會上流中流之婦女。多有抱負慈心。繙造福果。而其間則孀居或不育之婦人。懷此等思念爲最富。惟我社會不知利用。故雖有恒心而無善業。殊爲可惜。今開智進德會欲收用這等女流。以從事於慈善之事業。卽爲保姆之地位是也。

所指定關於保姆之規則。雖最單簡。然須有確塞之遵守。凡新班的保姆。先由開智會學習約三禮拜。使之知保育櫻孩之常識。斯辰另有保助會同之醫官指導之。且本會另以幼稚園之簡約章程及保姆之職分。草成一歌。教各保姆。均能暗讀。凡保姆既經過這學習辰期。卽補用一個幼稚園保姆之職。於補用辰開智會另派地方內之本會會員就地證認之。

每幼稚園另直屬於一個地方委員會檢查之權。這地方委員會。則由開智會一會員爲之長。及所在者役亦可預充這委員會之會員云。每保姆一月之餉金八元或十元。

△預籌設立之原因——一關於財政。凡起行一個事務。當顧重在財政。財政若有把握。事務方可循序進行。然一個幼稚園之設立。其經費亦無幾。初辰只支買床席及玩具。洗浴具。並廚房所要用之各具而已。若幼稚園所用之藥料。則可呈請政府之支給。其他幼稚園飲食之費。每兒日費約四仙。由會支給。然竊想將來亦多由地方委員會運動。各私家代爲助給。殊可寬本會之負擔者也。

▲二關於組織之效——在我國屬慈善事務。惟幼稚園爲最易組織。且惟幼稚園之組織。其需費無幾。而收效者大。蓋組織之道得宜。則運行之餘將來。可能減少童幼之疾病。而族類日以蕃盛者也。

▲三關於人民之志願——本會各幼稚園只收養七歲以下之兒童。代爲各人保管其子女。迨至七歲。即放歸任隨志願。以覓相當之業務。對於國民進往之前途。殊無何等障礙也。故幼稚園所保管之兒童。既達七歲。即由伊等父母。若無父母。則由親族或鄉貫領出。而本會所擔負之責用。於是乎告終。不加以何等干涉。此想亦地方人民所最爲歡迎者也。

▲四關於所處之地位——幼稚園之有益於民。已如上述。而凡我國中私人團體。能舉行這等利益者。惟開智進德會而已。蓋本會會員之數。已達六百五十餘員。而其間官場者。豪富者。寔占多數。故對於地方各幼稚園之施設或資助。惟本會最有可靠之地位。並對於保姆之招募。亦易爲力。且也本會之於北圻轄內。少而一總區域。亦有數個以上之會員。故隨地設立幼稚園。皆有會員爲之管顧。若夫對於政府方面。則本會既得各大官及各巨富代爲本會誠信之保證。且旣由沙露大臣爲本會之贊助會長。吾儕確知保護政府必公認。本會關於物質上及精神上爲完全之團體者也。

▲五對於本會之目的——本會之目的。原欲本國凡有常業之各界人物。皆能從事公益。以期民族關於社會上及精神上之進化。故現下幼稚園之設立。對於本會目的。未嘗悖馳也。

## ▲幼稚園章程如左

### ◎第一章 組織幼稚園之中央總委員會

▲第一條——幼稚園乃由開智進德會(這會乃照法律上成立其條例現留存於統使府)所設立。並由是會檢督及保領之。關於幼稚園之治事方法。及擴張事宜。由開智會管治會同所籌定。

其屬於管顧各幼稚園之委員會的委員長及其他各職員之職權。則由本章程內所指定或由開智會管治會同臨辰另行指定。

△第二條一管顧各幼稚園之委員會有左列之各員職。委員長一人。由開智會之保助會員中舉出。委員副一人。由開智會之安南會員中何係預管治會同者舉出。

總書記一人。由開智會之保助會員中舉出。副書記一人。由開智會之各會員中舉出。

醫科顧問二人。由開智會之保助會員中各醫官舉出。法科顧問一人。由開智會之保助會員中各律師舉出。委員九人。由各會員中舉出。其舉出幼稚園的委員會之方法。則由

開智會管治會同炤應舉之人數。以無名投票法公舉之。委員長之任期。以三年爲限。

每年開智會招集大會之後。於管治會同集合第一次會議辰。須炤幼稚園委員會之缺額。而投

票選員填補。何係已得預選。而經有報告紙連三次均缺席者。並究出無正當之緣故。則應視伊員爲已辭職的。若委員長因緣故而缺席。則開智會管治會同須卽集臨辰會選出其他委員長。

△第三條一幼稚園委員會只炤每年屬於幼稚園之預算銀數。而管理年內之幼稚園事務。

每年西十二月初一日之前。委員會須遞呈來年屬各幼稚園之預算支數。並明白之呈詞一本。交由開智管治會同閱合。是月內開智會管治會同須集全體決定支消數目。俾及來年西正月初一日起始施行。開智會正守櫃員對於幼稚園的事務之財政上。擔有司出納之專責。

其支消各款則憑於幼稚園之委員長的命令行之。

△第四條一幼稚園委員會炤隨一會員之呈詞。而考定左敍各事務。

一增設或停設或轉徙各幼稚園。仍須顧慮所預算之銀款。

二 應用已習事之各保姆。而這保姆已記甘端紙順從幼穉園之章程者。

三 選用或罷斥關於幼穉園之一切服務人。

四懲戒各保姆及各服役人。且有罷役及革職之權。

五 補用各保姆及各服務人。

六 關於幼穉園之治事問題。則或由人民之請求書。或由會員之意見呈詞。

△第五條 一 委員長則由開智進德會管治會同。炤幼穉園委員會呈詞而補用。對於委員長之罷役亦然。伊員有權管督幼穉園之各事務。而僅受委員會檢查之權。凡幼穉園之各服務人。皆在委員長之權下。幼穉園各事務一經委員會決定。則委員長有施行之責。委員長則領附給銀。凡干以支給屬於其事務及筆紙等費。這銀款由管治會同預定且列入支簿。

△第六條 一 幼穉園委員會之各委員有權得臨辰或多人或一人履勘各幼穉園。

△第七條 一 惟開智會之管治會同有權得預定幼穉園之支消款及各個收入款而已。

△第八條 一 各幼穉園之事務須炤隨北圻政府一千九百二十一年十二月二十二日議定。屬各個慈善事務之條例而施行。

### ▲第二章 各省轄之地方委員會

△第九條 一 在北圻各省之開智進德會會員。對於本會所建設之事業皆有贊助之責。

幼穉園委員會另選擇每省開智進德會會員一人。以爲本省之代表。先辰由伊代表交涉省轄內之各西官及南人。勸私家樂捐以贊助屬於設立地方幼穉園之事。並請設地方委員會俾便管顧。並鼓動地方之安南紳豪。何辰總委員會有咨問何事。伊代表員須詳查覆知。並須考察地

方內幼稚園之當增設或當改良與否。省代表員亦可選擇本省内之開智會各會員組成一省轄委員會。省代表員亦須繕一呈詞遞呈於河內總委員長。

△第十條——每一個幼稚園則由省代表員專委一地轄委員會管顧之。這地轄委員會則以地轄之開智會員舉出。凡幼稚園有何缺點，則由這委員會呈知諸省代表員。地轄委員會須舉一治事員以管顧幼稚園之支消款。中央總委員會另炤地轄委員會之明白呈詞而支給屬幼稚園之支款。這呈詞則須由省代表員以意見敍入另寄呈於總委員長。炤條例上則這支款已於上年先定一年之預算冊。並何辰有特格公認者方準於年內或加或減而已。

△第十一款——幼稚園之服役人對於地轄委員須遵守禮度並對於有權履勘幼稚園之各員職亦然。何係有違本條之法則者，則須呈知於省代表員俾伊員轉呈諸總委員長。

△第十二條——關於幼稚園之衛生法及其行動各方法。另由總委員會草成一體例冊指定之。

△第十三條——總委員會須設立在河內附近之幼稚園。所以爲教習各保姆之模範地點。又須設立體例格式俾伊等之遵守者。

△第十四條——何辰因地轄委員之懈怠或因別故致某幼稚園不能炤常活動或不能遵守體例者，則總委員會另由一地轄委員之呈詞並參照省代表之意見而停罷這幼稚園並不復支給銀款。於停罷這幼稚園之辰另由省代表以停罷之議定寄交所在之地轄委員會並所在官職知之。

△第十五條——另織組一安南婦女會以贊助總委員會屬於幼稚園之事業。

這章程成立於河內一千九百二十二年八月十五日開智進德會管治會同全體出席。

會長黃仲敷 權總書記阮季瓊

# 國朝典禮考（續一）

（禾圃）

## ▲國朝建設規制並官職

欲考國朝典禮。須先略敍。國朝各建設機關及其官職。前歷代之官制。本誌前期已略敍之矣。茲請略敍。本朝之規制。本朝奉世祖高皇帝春京大定之後。築京城修郊廟。立部院分營鎮設官分職。內外井然。嘉隆明命年間。誠我國建築工程偉大之辰期。而又我國建設規制偉大之辰期者也。後之人覩此江山城郭。尤可想見百年前興國雄偉之氣象而巍然。聖德尊功。益繫人思矣。今請分京內及京外考其規制如左。

本篇所考述。因世代沿革。難於盡詳。故僅從現狀略記。凡諸建設規制。已經撤廢。並官職已經省減者。不具敍述。記者極知似此記載。恐不能盡昔辰偉大之功業。但因識力有限。姑且從闕。以俟博學諸君子。本篇主意。因現辰新人物多詳於國外之新聞。而略於本朝之典禮。故請略述現辰規制。以爲考察典禮之導源云耳。有志之士。欲詳且備者。須於史誌上考之。爲望併本篇章。另譯出國語字。以資閱者。間有舛誤。幸識者教誨焉。京師。一京師爲皇帝宅中之首府。一國政治之樞紐。於是乎出國家之精神。於是乎在也。奉本朝太祖嘉裕皇帝。肇基南服。紀中間初營于廣治省之愛子社。尋移于茶砵社。號葛營迨熙尊孝文皇帝。起一千六百十三年。又自葛營移于廣田縣之福安社。神尊孝昭皇帝。起一千六百三十五年。復徙營于金龍社。英尊孝義皇帝。起一千六百八十七年。又移于富春社。金龍富春均屬今京師地點世尊孝武皇帝。起一千七百三十八年。分設境內十二營。以富春營爲正營。又稱爲都城屬順化地。迨至世祖高皇帝龍興。恭行天討。戊戌秋收復嘉定。辛酉夏克復舊京。壬戌一千八百零二年夏北擒僞孽。一統輿圖。遂因舊跡拓而廣之。定都富春。始稱京師焉。且京師爲南國之中央。有北宸居所。衆星環拱之體勢。我國朝億萬年無疆之業。寔基於此。按現今

舊反之富春故城。在今東城內之東南角。傳聞東南門內之機密新院。卽先朝正營故址。

城周圍

京城之制。始於嘉隆四年起築。至明命年間而規模大備。舊反之富春故城。在今東城內之東南角。傳聞東南門內之機密新院。卽先朝正營故址。厚六尺三寸。脚深二尺。均砌以磚。門十一。前曰體仁門。廣德門。在旗臺之左右。

旗臺在午門前之正中。二層通高四丈四尺。上豎旗柱。

正南門。東南門。左曰正東門。東北門。鎮平門。右曰正西門。西南門。後曰正北門。西北門。城外有濠。各

廣五丈七尺。深一丈。城門跨濠砌石爲橋。四面城上均砌磣臺。共凡二十四臺。於城之東北角鎮平門外。又起一層城。曰鎮平臺。周二百四十六丈七尺。高六尺七寸。厚三丈五尺。俯瞰於順海汛入口之江道。爲水路之扼要點。這臺於嘉隆年間爲太平臺。明命十七年改爲鎮平。自大法兵來順化是臺。遂爲大法官兵屯駐之地。

皇城在京城之內。

廟

殿在焉爲外朝之制。周六百十四丈一尺。高一丈五寸。厚二尺六寸。

磚砌。南北各長一百五十一丈。東西各長一百五十五丈。門四。前曰午門。左曰顯仁門。右曰彰德門。

後曰和平門。午門內爲太和殿。大朝正殿也。奉嘉隆三年建。殿前爲丹陛。丹陛之下爲龍墀。前臨太

液池。池之南北各豎雲龍銅柱。中爲御道。達於午門。午門之上建五鳳樓。

嘉隆年間名爲乾元殿。明命十四年改建改今名。

午門之前有金水池。通池水通于皇城四面之城濠云。

紫禁城在皇城之內。

宮殿在焉爲大內之

制。周三百六丈十二尺。高九尺三寸。厚一尺八寸。前後二面長各八十一丈。左右二面長各七十二

丈六尺。門七。南曰大宮門。東曰興慶門。東安門。西曰嘉祥門。西安門。北曰祥鸞門。儀鳳門。大宮門之內爲勤政殿。常朝正殿也。嘉隆三年建。殿前左右兩廡。殿之東便殿。曰文明殿。殿西曰武顯殿。左廡

之東建東閣。閣南曰聚奎書院。勤政殿之北曰乾成殿。奉大內邃穆殿庭之制。例弗敢載。

太廟在太和殿之左。肇廟之前。南向。嘉隆三年建奉。興廟之前。南向。明命二年建奉。列聖神龕。

太廟奉  
世廟奉

太祖孝文孝昭孝哲孝義孝明孝平孝武孝定列聖皇帝  
世祖聖憲祖翼尊簡尊景尊列聖皇帝皇后各

於歲之四孟朔日季冬二十二日凡五饗。靖皇帝皇后神龕均歲五饗。如太廟奉先殿在彰德門內街之北。明命十八年建奉。

先朝列聖神龕。

世廟在太和殿之右。

興廟在。世廟垣內之北。南向。明命二年建奉。肇廟在。太廟垣內之北。南向。嘉隆三年建奉。靖皇帝皇后神龕均歲五饗。如太廟奉先殿在彰德門內街之北。明命十八年建奉。興祖孝康皇帝皇后望及慶節則有薦忌辰則有祭是爲別廟。

京師各壇廟。一我國以神道設教祀事尤爲國之大典奉

尊廟之建立聖人以孝道示天下先

若夫天地山川神祇均有建壇廟奉祀每一祀典均有深遠之意義在後之人尤不可忽視也。因是欲考典禮當考壇廟之制今請從京師考察其他各省之祀典大體想不外是姑請從略。

南郊壇在京城外之南安舊社南向嘉隆五年建壇制三成砌以磚石第一成正中案合祀

天 地 左 右 配 祀

按嘉隆元年設壇于安寧社郊分合祀  
天地以建元告又以武成告五年建今所

列聖第二成奉祀日月星宿雲雨風雷山海江澤等神壇之東北爲神厨神

庫西南爲齋宮

天地以建元告又以武成告五年建今所

所

社稷壇在京城內西南凝積坊嘉隆五年建方

制正中設二案右奉太社神位左奉太稷神位以后土勾龍氏配於右后稷氏配於左聞是壇原命諸營鎮各貢淨潔寔土營築云

先農壇在京城內西北厚生安宅二坊明命九年建南向按明

命八年奉

聖祖議復古制開籍田行躬耕禮至九年建是壇壇之西北爲神庫神厨東北爲神

倉倉之前爲收穀方亭又東爲觀耕臺臺前正中爲躬耕田建坊門三正中門額內曰帝命率育外曰爲天下先歷代帝王廟在京城外之南陽春社明命四年建五間正中祀三皇五帝之神左

一室祀涇陽王。貉龍君。雄王。土王。丁先皇。右一室祀前黎及李朝列帝。左二室陳朝列帝。右二室黎黎聖尊廟。在歷代廟之東。嘉隆八年因舊廟之廢壞復建。

文廟在京城外之西安寧社南向。奉至聖先師孔子。左右四配東西案十二哲。東西廡十四案以先賢先儒從祀。武廟在京城外之西安寧社。明命十六年建。祀北國前古深於兵學諸賢及本國有武功如陳朝陳興道。黎朝黎魁。本朝阮有進。阮有鑑。尊室會。阮文張。諸公云。

占城國王廟在香水縣月瓢社。明命十四年建。此處有舊土城一段。相傳爲占城遺址。仍于其所建廟祀之。

真臘國王廟在香水縣陽春社。紹治元年建。中興功臣廟在香水縣天祿葦野二社。嘉隆九年建。祀安邊郡王尊室旻懷國公武性以下凡二百五十八位。十三年增入阮文張。范文仁。二郡公。明

命三年又增阮文謙。阮德川。阮文諒。阮廷得。四位。嗣德四年又增鄭德超。黎光定。鄭懷德。吳仁靜。阮廷德。范登興。張進寶。阮文孝。八位。

開國功臣廟

在中興功臣廟之左。明命元年建。祀陶維慈。阮

有進。阮有鑑。阮有鏡。四位。

忠節功臣廟在中興功臣廟之右。明命元年建。祀阮有瑞。阮久逸。以

下凡一百十四位。六年增阮科堅一位。

按成泰二年。準將功臣三廟。中興開國忠節。撤下于中興廟舊基構作一座。合祀。維新五年。以這處迫近民居。移構于國子監之舊址。安寧社地分。」

恩祀壇在中興功臣廟之左。後明命元年設以致祭內外死事官兵。正中設牌位一題。本朝勤勞王事職官列位之靈。左右各設牌位一題。勤勞王事吏卒之靈。

會同廟嘉隆二年建于順海汎。明命七年移于朝山社。奉祀上中下三等陽神陰神並五行之神。都城隍廟在京城內之西衛國坊。嘉隆八年建。以奉祀都城隍之神。

南海龍王廟在順安汛嘉隆十二年建名爲順安海口神祠明命三年改今名奉祀南海龍王及海口神河伯神河伯風伯雨師火神均各有廟奉祀。

山陵一奉先朝列聖皇帝之陵尊名冠以「長」字皇后之陵尊名冠以「永」字此其分別。

太祖嘉裕皇帝長基陵嘉裕皇后永基陵熙尊孝文皇帝長衍陵孝文皇后永衍陵

神尊孝昭皇帝長延陵孝昭皇后永延陵太尊孝哲皇帝長興陵孝哲皇后永興陵

孝哲皇后宋氏光興陵英尊孝義皇帝長茂陵孝義皇后永茂陵顯尊孝明皇帝長

清陵孝明皇后永清陵肅尊孝寧皇帝長豐陵孝寧皇后永豐陵世尊孝武皇

帝長泰陵孝武皇后永泰陵慧靜聖母元帥山墳睿尊孝定皇帝長紹陵

興祖孝康皇帝基聖陵孝康皇后瑞聖陵此奉先列聖各尊陵之尊號也又謹叙

列聖尊陵如左世祖高皇帝天授陵承天高皇后合墓在香茶縣之定門社嘉隆十四年營築陵前廣一百五十丈左

右後三面各廣一百丈葆城四面各長四十丈零葆封建石屋二門砌石爲陞級陵之右建寢殿

曰明成殿左建聖德神功碑亭陵在天授山之上四旁羣山環拱共三十六峯

順天高皇后天授右陵在上陵名天授陵右之順山紹治六年聖祖仁皇帝孝陵在香茶縣安徽邑錦雞山明命二十一年賜名孝山奉倣

古隧制地宮周以葆城前鑿新月池池中建聰明正直橋池之前三才山上建明樓樓左曰成山右曰平山山下有澄明湖又臨水有鈎魚亭傍山有迎涼館於奉宸山上建崇恩殿前建東西配殿後建東西從院外砌拜庭三級南築重臺建亭豎聖德神功碑又於東園澤山建靈芳閣德化山建馴鹿軒道統山建觀瀾所西鎮水嶼建虛懷榭稍後建神庫靜山設左從房懿山設右從房外爲

羅城周四百三十三丈。門凡三。前爲大紅門。東爲左紅門。西爲右紅門云。

佐天仁皇后孝東陵。

在香水縣居正社。紹治元年修山陵上今名。

葆城前後各設屏風。前設拜庭三級。東西各砌欄檻。前砌水池。池外砌雙表柱。

憲祖章皇帝昌陵。

在香水縣居正社。嗣德元年上陵名曰昌陵。

光閣德馨樓。樓前碑亭豎。

聖德神功碑。葆城之左建表德殿。殿門曰鴻澤門。前設拜庭。

儀天章皇后昌壽陵。

在昌陵之左。成泰三年上陵名。在香茶縣之楊春上謙山。原謙宮羅城內。嗣德三十六年上陵名。

翼尊英皇帝謙陵。

在香茶縣之楊春上謙山。原謙宮羅城內。嗣德三十六年上陵名。

表柱設拜庭。外開以池。曰小謙池。奉

尊陵之右建寢殿。門曰謙宮門。正中殿曰和謙殿。左右廊

曰禮謙法謙殿。北爲良謙殿。東曰鳴謙堂。西曰溫謙堂。殿後左右兩院。曰從謙用謙。後建益謙閣。又於宮門之左建至謙堂。右建院二。曰依謙持謙。大宮門外建方家二。曰恭謙公謙。兼有湖曰謙湖。上建榭曰愈謙榭。曰冲謙榭。四圍周以羅城盾樣。城門三。曰務謙。尙謙。自謙。

儼天英皇后謙壽陵。

在謙陵右維城內。成泰十四年上陵名。玄宮隧道葆城如帝制。

景尊純皇帝思陵。

在謙山之左山久安處。成泰元年上陵名。玄宮隧道葆城如制。其寢殿奉于謙宮之左執

齋正殿奉爲神御上殿。名爲執謙殿。

庭如制。奉今上御極。加石屋工砌。恭讀御製謁

思陵石屋工砌及已清竣喜作云。『問寢三

憾已虧。記中興跡念多時。精奇天巧端誠出。子來臣工運孝移。花表高標皇德闢。貞珉長對

聖功碑。深思繼述欽遺訓。少表追崇一線絲。』其寢殿奉于

尊陵之右築宮垣。闢門四。前宮

門三關重樓。左右後各開掖門。正中建凝禧殿。左右建配堂。殿後左右從院各一。

安陵在香水縣安舊社。成泰二年上陵名。寢殿曰隆恩殿。

奉考。各尊陵規制。雖建築隨地互異。然大要有三。一爲寶城。奉安玄宮。一爲寢殿。奉祀神御。一爲碑亭。奉紀。聖德神功。此則規制之略同也。若夫宮殿臺榭。孝奉之道。事死之日。無異於事生焉。官署。一機密院。明命十四年置在禁城內左廡之右直房。自後交涉事繁。院設在外。以便商議。其舊院惟奉守。硃本章疏而已。同慶元年。暫設院在兵部堂西軒。成泰三年。移于正蒙堂。爲機密新院。成泰十一年。又移構于覺皇寺。建正座。一砌機密院三字。此即爲住京欽使大臣與南朝機密列大臣會商之所。院前左右二連。爲諸會理貴官公事之所。又近年於戶部前面之演儀亭。改構爲機密院。此即爲院內屬員行公事之所。內閣在左廡之左直房。原前嘉隆初年爲文書房。在右廡之左直房。明命七年移于左廡之右直房。十一年改爲內閣。十四年徙于左直房。太醫院在紫禁之內。閱是堂之東。侍衛處在紫禁城內東面。集賢院左在內諱信司。尙膳、尙茶、太醫皆屬焉。內務府在幾暇園之南。嘉隆初爲內圖家。在紫禁城興慶門之左。明命元年改今名。十八年移構于此。今改用西式構。二層樓。爲藏貯支收之所。尊人府在京城內忠順坊。明命十三年建成。泰二年重修。十五年加築左右司基面。國史館在京城內富文坊。明命二年建。紹治二年增建左右廨。嗣德二年復於館後設藏板堂。成泰元年以右長廨交都察院居住。又崇修正堂後堂。其左長廨則撤解歸置。吏戶禮學兵刑工七部在京城內皇城外之東面。仁厚積善二坊。部堂凡七。吏戶禮兵刑工左右參知堂凡十二。左右侍郎堂凡十二。謹按嘉隆初年只設六部長廨。在京城內廉能勤慎二坊。明命八年移建今所。規制頗廣。成泰年間修補窵戶。改用西式。學部堂在禮部之前面。原前爲正蒙堂。又改爲機密院。又改爲尊學所。於維新二年。摘禮部之賓興司設學部。重修爲學部尙書堂。

都察院。在京城內之西保和坊。明命十四年建。成泰元年。準以太常光祿二所。並史館右長廊交都察院居住。欽天監。在京城內南安坊學部堂之西。國子監。嘉隆二年建。國學于京城外之西安寧社。明命二年改爲國子監。前建彝倫堂。後建講堂。及左右生員房。嗣德三年分右爲學官堂。左爲生員房。七年御駕視學。製詩十四章勒之碑亭。成泰十七年重修。維新二年移構于京城內顯仁門之東。其制建彝倫堂一。左右講房二連。後左右二署爲學官住署。前左右二連爲生員住房。九年增構育才並體操沐浴等房。書院在現今國子監彝倫堂之後。維新二年建。護城衙在史館之東。諸軍營公廳原前中後左右諸軍公廳在京城內。近日惟中軍堂現在兵部侍郎堂之北。前軍則在京城外之體仁門外。近年建構。其規模炤從西式。

(未完)

## ◎新聞家之事業

楚狂

### ◎第一章 人類之福音

茫茫遠古以及今日。在各時代。均有執統御人類及社會之權威者。試觀之歷史主權之消長。及其移動之迹。覺有無窮興味也。山林的獸類也。曾以殘酷之爪牙支配地球上之人類。無何宗教之徒。利用人心的迷信。握其主權於掌中。使萬民皆俯伏。而宗教獨享尊榮。帝王又相繼出現。世界人又盡拜跪於專制政體之前者。蓋不知幾何年矣。及乎文學大興。如狂風捲地而來。啓發自由平等獨立不羈之精神。一切社會的沿襲。盡爲學說所打破。宗教之迷夢爲之醒覺。專制之洪威爲之屏息。其勢力遂凌駕宗教及君權之上。十九世紀以後之文明世界。其最偉大之勢力。不在於火藥。不在於蒸汽機關。不在於電氣。而在於思想之自由。及至晚近新聞事業發達。更促自由思想之進步。

而顯文明開化之精華矣。攷新聞之發源數百年前亦已有之。然其猛然有大勢力足震動世界者不過五十年間事耳。直至今日新聞之勢力又非昔人夢想之所及也。遍觀世界新聞最發達而有大勢力者莫美國若。美國新聞雜誌之數不下三萬每年所發行之號數二十萬萬以上。紐約新聞紙有每日印刷五十萬號者。觀此足知美國新聞事業發達之一般矣。世運之進步與之以一大動力。新聞性質遂為之一變。在昔日之新聞與世事關係猶屬緩緩。因人智程度當在幼穉時代。新聞發生効力之範圍不過一郡一國耳。世局一變之今日。新聞事業遂開一新紀元。因蒸汽力能使世界人類便易交通。可由地球上之東北南西齋來可驚可駭之奇聞電信之利可以於一日之間盡報宇宙之現象而無遺。電話之便可以由遠隔之地方自由自便談話。一瞬間盡報數千里外之奇事。其範圍為廣大無邊。其所集之材料為莫大無外。而收拾此種新聞聚之於一印刷之機器。只一點鍾間而可以容易印刷二三萬號。太陽升於地球表面之時。新聞紙已向各處而發布。其奇妙又誠不可思議矣。

新聞紙每日所載之新聞。捨舊尋新。重拙速而惡遲。巧長冗無用之文字為新聞之大禁物。因當此多忙時代。世人無多餘暇可以閱讀此無味之新聞也。頗今日新聞紙上所報道之事件。如宗教。政治。學術。商業。軍事。殺人奸通。生產死亡。結婚離婚等一切宇宙森羅之現象。無巨細無大小。皆精確闡明而報道之。以為社會之耳目。蓋新聞紙之主旨。非是修飾社會的現象。以悅人聽聞。乃盡將其所有之事。寔而報知之耳。故新聞紙為社會之耳目。而其寔即為社會之鏡。社會而美則其鏡面亦美。社會而腐敗者。則其鏡面亦映出此現象耳。

文物燦然之二十世紀。論地球上之主人。必首推新聞文學。新聞之所報或亦有荒唐無稽或無

益空談。或陳述殘惡之事。而有獨一無二之權威。翰墨林中。新聞文學。獨放異常之光彩。無論爲帝王。爲政治大家。爲議會會員。爲文學家。爲詩人。爲軍事家。一切有名之人物。皆爲其所賣。而此等人一見新聞紙上顯現自己姓名。則又以之爲榮耀。故其勢力寔在想像之外。雖王侯相將。每惴惴焉聞其鼻息。其一抑一揚可決彼等聲名之美惡。運命之浮沉。或則於新聞紙上。購求其勢力。而人亦莫敢議之者。而新聞紙所以有如此之勢力者。以其爲輿論之先導。又爲創造輿論者。故國民皆如風靡而服從之。視彼等之一毀一譽。不啻如輿論之最後宣言也。新聞紙之所以對文明社會有如此大勢力者。以其爲人間平生生活所不可缺之物也。人間之要讀新聞。亦視如衣食之必要品物。一日不讀新聞。比與一度不吃飯。更尤覺其痛。蓋新聞者。國民普通教育之大機關。其發明政治思想之點。遙勝於議會之演說。其啓發人之道德心之點。更遠過寺院教會。其養成智力。常識之點。大勝公立學校。國民之大多數。多因貧困受小學教育之外。更無受高等社會教育之道。新聞紙爲教彼等以文藝美術。政治工商農百般高尚藝術之唯一機關也。試論及此。新聞紙在社會上有偉大之勢力。寔非無因而駕御此大勢力新聞紙之新聞記者之責任。其重要亦可以推知矣。

### ▲第二章 營業之組織

在昔新聞事業幼稚時代。世間對於新聞之感情。與發行新聞者之思想。亦與今日異。昔日發行新聞之目的。全以彼等平生所抱負之經綸。發表於當世。以感化天下之人心。爲唯一之宗旨。然在近世。捨虛名而重實利之日。則其感覺全然一變。新聞紙亦一個營業。與其他賣買事業。曾無少異。新聞市場。得多數之顧客。與否。亦與其他一切市場。好物則易售。惡物則難銷流。同爲一經濟原則之

所支配者也。故今日之新聞屬於商法的範圍。新聞發行者不可忘此原則。苟忘此原則。則其目的無論如何高尚。如何慈善。如何赫奕。到底亦無有可維持之理也。新聞已一變而爲商業。則務宜避妨害一切商業之原因。如何而新聞之資本可以日見其加多。職員之俸給。可以日望其深厚。則新聞之發行自然發達。而在社會上便占有一大勢力矣。頗新聞係爲社會之明鏡。公衆之機關。所以雖爲商業。而在世上有莫大之勢力。若有爲一派一黨一人之私而創立。則其發生効力亦極微矣。

新聞事業雖與其他營業無異。然以其有廣大之智識及能力。故其成效爲甚大。新聞之編輯員。以之爲政府行政之長官司可也。以之爲銀行之管理可也。以之爲大公司之經理。均無不可也。新聞事業當在幼稚時代。則其內部之組織頗爲簡易。及如今日之發達。則頗甚複雜。歐美各國新聞學已成爲一個學科。凡有名之大學必設新聞學專門學科。可見斯道之發達矣。以下所記乃述歐美及日本諸國新聞事業所組織之現象也。

無論何等新聞。必有一人爲管理。及經理員。發行員等。管理總括一切事務。務如何進行。使事業發達。股東得享多大之利息爲唯一之目的。苟其發刊之原因。有何等熱意。精心以改良社會爲目的。或主傳布何等主義。而一旦忘却此經濟原則之時。則不免至於虧損而陷於失敗之境地矣。

新聞社經理員之下。有種種事務局。其最重要者爲會計局。編輯局。其他爲活版局。印刷局。鉛版局。郵送局。等。會計局者。爲支配事務之人也。編輯局有主筆理事。并其他附屬之社員。活版局有部長。及排字人。原稿校正人。等。鉛版局及印刷局。則需用此等應用之工人。

茲更就編輯部而論。主筆總管一切編輯之事。主作重要之論說。及決定全體之方針。以確立其所

謂新聞政策者。主筆之下有理事記者。佐主筆管理事務。對於外來者應接及談判。或決定新聞之體裁及雜報之取捨。凡主筆之所不能盡行照料者。理事員必代爲之。並監督其部下諸種記者。如內外通信部。經濟部。市場部。不動產部。鐵道部。演劇部。遊戲部。出版批評部。及婦人部等諸專門人員。凡發行盛旺之新聞。理事記者之下。又別置城庸主任員。其所職爲關於市內一切之記事。逐日發行之新聞。例須有夜直記者。其地位之重要。不啻爲理事之副。相理事已離新聞社之後。彼獨掌握編輯之全權。雜報之取捨。及其不合意見。諸事件可以自由變更。并注意城市及地方事件之通信。而監督不可少怠也。故夜直記者。其權限甚大。其責任甚重。而其報酬亦亞於理事者也。

城庸主任記者。其地位在理事之次。而爲之屬員。其在局內有獨裁專制權。乃新聞社內所不可缺少之記者也。彼使役探訪者。如轉圓然左右縱橫。無片刻暇。城庸雜報之事件。彼獨掌其全權。而捨之。

### ▲第三章 新聞探訪者之職務及資格

從事於新聞事業之探訪者。有如在軍隊之士卒。日夜受上官之命令。奔走服務。其地位甚卑。其俸給甚少。其所事亦無甚興味。然而欲投於新聞事業之有爲青年。不得不以此爲進身之路。隨其才幹亦有升進高等地位之希望。新聞社若無探訪者。亦如軍隊無士卒。欲如何運用。均無法子。故每日新聞社所得之雜報。皆此探訪者之力。新聞社之有機敏之探訪與否。乃新聞事業盛衰之關係。故各新聞社皆欲爭得其人以爲用。欲成其爲有聲名之探訪者。不可以無伎俩。第一爲機智。瞬息間可得許多之事狀。又要其有觀察表面及裏面之能力。遇酒客則有對酒客之能。遇僧侶則有對僧侶之法。遇貴婦人則知對貴婦人之禮。遇乞者則知待乞者之道。應某方面成爲某方面之人。以察破政治社會之動機。精確而報之於本社者也。

新聞之訪員爲一種高等之訪問。得多數有益之材料。此事在近世成爲新聞家第一緊要之現象。溯其發源。寔自美國。至今日歐洲日本各國亦盛用此方策。

其國家之組織。具有平民的觀念。苟有任何人能做出何等事業。有名於天下。便是公共的人物。與國家公共的財產相同。凡一切文學家。政治家。宗教家。豪富家。有名之人物。則視之猶公園。猶紀念碑等。爲人民所公有之物。訪員對於此有數之人傑。提出種種問題。以質問。叩其意見。錄之報上。以供人聽聞。甚至其人傑之家庭生活。亦披露之於紙上。故美國新聞紙關於有名人物之高談偉論。無日不見登載。而在歐洲日本則絕少。

美國新聞訪員奉其報社命令。遠遊歐亞各國。對於有名人物。無論爲文學家。爲政治家。爲皇帝。爲教皇。亦求面謁。苟其待遇有欠周至之處。則彼自由自在。揮其文筆。披露其短處。使天下人對於其人生一種惡感。當中日交戰之頃。美國紐約某新聞訪員抵日本。求面謁天皇。不遂。彼遂傳旅順屠城之虛報。流布日人之惡。以激動世界人對日之惡感。全亦因日本之冷遇。彼便以此報之耳。

然新聞訪問主義漸已傳布及歐洲及日本各國。乃自然之大勢。歐日各新聞已不乏此等影響。而世界各國新聞紙。便放一大光彩。凡新聞登載各有名人物與訪員之談話。發行甚盛。蓋此等記事。乃一種實事的小說。而爲當世文學界最有興味之文章也。

新聞訪問。決非容易之事。蓋亦一種高妙的技術。能曉得此等技術之記者。便是有絕妙伎倆之人。物也。當訪員之訪問。大約遇三種人物。一爲好辨之人。二爲不肯談話之人。三爲沈默之人。訪員須洞察人情之機微。有臨機應變之才。方可不然。目的必不能達也。

訪問記事之文。又有一個妙術。古時大概爲問答體。今已不復用。凡有伎倆之訪員。其記事常用當世流行的筆法。先就周圍之光景。主人之面貌及舉止。巧傳其神。如呼之欲出。躍然於紙上。使映讀者之心鏡。而易得人之愛讀者也。

訪員須盡交天下之士。比與普通人須有二三倍的朋友。因此多搜得新聞之材料。而博得社會之勢力。每出入交際場。有一不可忘的秘訣。逢人便問姓名。又須記其姓名於手冊。自後一見便能知其姓名。養成此種習慣。爲訪員最有利益之一事也。

#### ▲第四章 新聞編輯者之秘訣

新聞編輯事業。不可不嚴區別論說與雜事兩者。論說主發理想議論。雜報主揭示其現在的事實。故一爲集合的一爲產出的。集合的重在記事之校正及證實等。產出的只有一抽象的理想。發表自家之意見而已。新聞紙上不過此兩種現象。要常注意而不可混合者也。

如上所述。通信採訪者編輯之梗概。許多採訪者日夜奔走。搜集雜報之材料。自爲原稿。持交與校正記者之處。依校正者之意見。或刊去或敷衍或艷飭。便以之付之印刷。關於記事之正確與否。校正者與採訪者分擔其責任。至於文意則校正者獨負其責任。  
    校正之事。概屬於理事記者之監督。然城庸之事。則屬於城庸主任記者。記事之大要。須常與採訪者以注意。校正者則精密監視採訪者。并校正其記事之辭意。取採訪者之記事而自定其題目。題目之事。在歐美日本新聞紙頗爲有責任問題。非有伎倆之人。決不敢當此任也。  
    美國之新聞。對於用題目之法。甚爲注意。其法於記事之前。以單簡數語爲題目。令讀者一見。領略記事之大概。并因此有興味之題目。能使讀

者生好奇心通讀長篇記事之文。故記事之題目。寔與新聞事業之發達有關係焉。

交換記者屬於理事部下。其所職不過以一剪刀每日縱覽全世界所寄來之新聞雜誌。剪出其中之雜報小話。與論說緊要之部分而有興味者。加之以適當之題目。更揭之於新聞。使添一段之光彩。此種記者比與他局員要有新聞的腦力。然責任之點甚輕。若有過失。損害及於新聞者。絕少。交換記者所最要之資格。爲要迅速略閱新聞雜誌。就其重要記事能有鑑定之力。及精確之判斷力。其他如演劇出版批評。經濟。鐵道。不動產。遊戲等專門記者。要須擇熟達其技之人。而其報酬亦頗厚。論說記者每報社要有數人。其地位與報酬在主筆理事之次。彼等報酬之通例。每年約美金一萬弗。約我國二萬元其最小新聞每年亦要美金千五百弗及二千弗。通例論說之事。關於其時最重之問題。始須主筆自述其意見。至於普通問題。則由論說記者選自己得意之問題。任意陳述其理想及意見。果與新聞宗旨不相背者。即可以登載矣。

新聞之論說。係就每日社會所發生之事件而批評之。由重要大事以至諸雜報事件。須詳其原因及結果。明事件之如何關係。并揭出其裏面所潛伏之勢力。附之以自己之意見。雖單簡之事。亦可以發表其理想。法國有名記者部魯益氏有云。『一適當之議論。勝於十萬雜報。』誠至言也。晚近新聞論說之筆法。漸有一變之勢。而美國新聞爲尤甚。大概以當時最流行之筆法。單簡揭出其事。附之以論說者之意見。故論說欄內屢有内外通信之概略。及批評等。讀者無多暇。只就此欄內略得其綱領。亦可以滿足矣。

要之論說之精神。挾在事寔之內。乃晚近論說家之通例。此等記者。非博聞卓識。通曉當世政治社會歷史之人。及有判斷力。决不能勝其任也。

出版書籍之批評。其性質亦與論說無異。故歐美日各國報社內之

出版批評家。其地位與報酬亦大大抵此等批評。須摘出書中之要領及著者之意。附之以自己理想的批判。簡略述之。使讀者易於領解。

新聞記者之記事。各隨其性質及其伎倆而異。然過失雖聖人亦所不免。類如重要之事乃輕輕看過。或將最誤人聽聞之事而記載之。則不免誤事。此稱為新聞家之過失。

昔者美國紐約有一大銀行倒闭。市俄高某新聞電報記者初不以為此新聞之傳出。與市俄高商場有如何莫大之影響。只輕輕閑視。用尋常極單簡之電文報之。然其他各新聞皆長篇大述特述其銀行倒閉之顛末。由是某電報記者遂至免職。又有某理事記者最有機敏之名。夜間得某貴肩病且危殆之信。欲先他各新聞報道。翌朝用大活字排印報其死去。然其時寔際其人尚存。因此免職。然則過於遲鈍固不可。而過於機敏亦取禍之道也。

新聞記者之欲成功。不可不巧用其策略。此事為最切要之事。社會上所發生之現象。欲於一日間周悉而述之。勢有所不能。其間要以多少想像的筆法而補足之。以存其餘地。此乃記者一種之秘術。公衆亦知新聞事業之如此如此。不深咎之。此事雖於論新聞社會之德義。固有所未盡善。然在新聞事業發達之今日。所不容已之事也。每日發行之新聞。其集合雜報有一定之時刻。難於周悉探訪之事者固不少。然在公衆欲早一分鍾間得悉社會之現象。故記者亦忘寢食。要先一刻爭報道於讀者。將有之事件則述之如其已有。已有之事件。則用過去體之筆法而記述之。否則恐有探報落人後之患。或一記事而前後不相合。亦可以想像的文法而修飭之。例如某處有夜會。而

新聞印刷時刻已到。不能俟到事悉時候。則只以重要之事件爲材料。及當夜之景況。十分以自己經驗。及其心眼之所映。得正當之推測。又若演說會。則一見演說之草稿。或聞演說之大要。以自己之想像而補足之。迅速載之報上。讀者只驚其探訪之速。而無論何人亦不能疑記者未曾列坐記者之席。而能作此言也。類如此事。皆屬新聞家一個之機密。然初非亂用。蓋所謂事寔者。原無在事寔以上之事寔。善將其想像附合之於寔際之事寔。終無有可批難之處。然此等策略。非常危險。稍不注意。則不免失敗也。

嘗有一新聞記者。操此秘術。卒至失敗。述之殊足解頤。因有一天文家預告云「某夜有一流星。光彩異常。因適逢暗夜。故望其光影宛若日光。」記者得此報告。因撰出想像的長篇記事。謂當夜在某處之屋頂。觀測天象。則天象云云。絕爲奇妙。說此不可思議之事。欲將翌日載報之上。以驚動萬人之聽聞也。無奈其夜爲霧所鎖。至將排印之頃。仍未見晴朗。記者仰視太空。殊無所見。然新聞付印。已刻不容緩。頗此等費神構思之天文記事。捨之可惜。只有一點希望者。將曉天或晴光。則載此有趣味之新聞。可以博人之喝采。因卽付印。不意天忽又大雨。至曉來仍未見晴。而報上竟有此珍奇之記事。人均爲之噴飯。

新聞機敏家。以此等想像記事。而招過失者甚多。然以此而博得名譽者。亦復不少。要之在今日文明世界。最得名譽之新聞。第一要者爲記事迅速。而又有興味。則得社會之歡迎矣。

### ▲第五章 婦女新聞記者

從來婦女專事女紅。并管理一切家政。及世界大文明。婦女出而與世相往來。其事業亦輝映於社會。蓋因人間事業。日以增加。非男子獨力所能辦。必須婦女爲之助。婦女已認其有此責任。與男子

分擔業務。知社會的事業。亦頗有興味。抱野心者始活潑運動與男子爭勢力。在文學的方面。則女子素涵養女的性質。而添之以文學之光彩。故具機敏之神經。注意之心情。富贍之想像力。對於文筆之事業。其勢力之膨脹。誠無讓於男界者也。試一入歐美各國圖書館。檢閱新聞雜誌。見女作者姓名。年年增加。此等勢力之將來。又有大進步之傾向。又晚近運動政治之婦人。多有躍起為女主人筆。女探訪。以維持自己之勢力。歐美各大新聞社。必有婦人部。彼等之一切記事。比與男子尤為精確。而有興味者。也有才識之婦女。又多在家作新聞特別通信家。對於當時之社會。尊教。政治。教育等。作發表意見的論說。寄與各新聞社。則各新聞社。尤為歡迎。其報酬。亦比與男界寄稿為厚。各社亦多用有才識之婦女為社員。以博聲名者。原來社會各大問題。常由男界之觀察而論斷。婦女社會現已發達。諸經世家。常注意此等潛勢力。欲知婦女的觀察及意見。故得女界一篇論說。揭於報端。讀者眼光便集於是。而特對於男界女界發生勢力競爭的大問題之時。又尤特別注視之。故在歐美有大名之新聞家。每逢有發生何等問題之時。必派社內有名之婦女記者為通信員。每得一信。即大揭於報紙上云。『由女界觀察之某某問題』。以令人注意。近世鼎鼎大名之女記者。為尼利坡里女士。或時著潛水者之衣服。潛於紐約港之海底。驚動天下之見聞。或時以七十餘日冒險週遊世界。又如馬稽司女士。欲揭開某瘋癲病院之黑幕。以告天下。因佯為瘋癲。橫行於街路。遂為警察所捕。送之於瘋癲病院。親見多數狂人受慘酷之待遇。其後藉親友之力救脫出院。遂盡揭出瘋癲院之內情。以醒起輿論。夫以蒲柳之身。為社會事業。投身於波濤洶湧之旋塢中。以成赫赫大名。可知歐美女子之勢力膨脹。及各新聞社聲名之洋溢。誠非偶然事也。

## ●結論

歐美日本新聞內容組織之周密若此。宜其一有出現便有蒸蒸日上之勢。至其奮鬥之精神。機敏之策術。又不啻將自己的身名爲新聞事業殉。婦女社會亦復如是。新聞之勢力於是乎達於絕頂矣。明鏡高懸。前規可鑑。我國新聞雖逐日出現。然凡百未備。比與歐美日本各國何啻霄壤。我等不可不知所效法而求其發達也。夫新聞成爲商業之今日。而在我国發行新聞者之思想及目的。仍無異歐美日本之昔時。只將平生所抱負的發表於世。以感動人心。論其勢力之點。渺乎微矣。雖然世運日隆。新聞事業當亦日見擴充。使組織得其宜。則其補助社會之進步者誠非淺鮮。握此有大勢力之新聞記者。當如何涵養自己的道德。開發自己的智識。發之爲文章。見之於議論。足以爲世道之羅盤針。人心之指南。車庶無愧「新聞家」三字耳。若反覆相高。欺詐相尙。或暗於時務。謬於是而非。而動則曰道德。曰學識。曰輿論之代表。曰社會之耳目。惡乎可。凡我同事。尙慎旃哉。

## ●文苑今詩摘錄

留東縣紳豪因以見志

海博致事亦  
園陳揚顯

其一 敢爲平生溫飽求。却慚晚作稻梁謀。諸公念正深桑梓。與我情偏重去留。偶得塞翁遑問馬。忘機海客慣馴鷗。記從外祖年方少。幾見塵飛已白頭。

其二 壯年遠大志。何如小草還山愧。有餘筋力。

無能嗟老矣。田園可樂賦歸歟。誠知報國無微狀。恐負傳家有賜書。詩譜重題今甲子。童心猶想我生初。

其三 悔負明辰且退休。觀居此世復安求。旣輸

爾載誰將伯。莫嘆人生老不侯。野鶴渾忘雲水

濶飛鴻聊證雪泥留。如今行止何須問。不作中書死尙羞。

解嘲示學者

有官不得其職猶自著書陞著作銜亦循聊以解嘲

前人

其一 孤經還抱十年修。此事常懷千載憂。敢望立言三不朽。豈徒量力一宜休。恩榮在昔難爲報。身世從今可自由。應制先朝家有集。著庭夢想願承庥。

其二 吟常抱膝屈應工。帶試腰圍束亦鬆。其柰倔強猶此老。誰云矍鑠是哉翁。北窗高臥仍攜卷。西郭閒遊且策筇。恰是尊鱸歸興好。莫須團扇嘆秋風。

重遊罔珠亭

前人

珠峯高聳馬江清。龍領橋邊兩古亭。徑塞久無車馬跡。峒深辰有牧樵聲。山之中有龍光峒。前人吟詠猶存。漁翁伴月炎天宿。鶴子驚寒雨夜鳴。攜妓昔人今不在。當年曾否繫蒼生。

罔珠亭懷古

清華馬江之西岸左珠峯右龍領昔王香池督此築罔珠兩亭以爲消夏之地至今無人遊覽亭存而景致寥然。

安亭阮瑀

行將退老添得孫男喜作前人日課兒書暇抱孫歸來閒臥渭南村玄亭問字爭迎。

○辰談 國內之部

敬祝

皇帝陛下。日月倏忽間。今已屆

萬壽慶節。卽爲大南國吉祥之日也。忝職非特代面

△萬壽慶節住京欽使大臣祝辭

旅南之法國臣民進祝。而且得代面大法監國殿下。法國政府列位。屬地部尙書。東法全權大臣。敬祝皇帝萬福。其欣幸爲何如也。向來進祝之辭。皆爲遵循朝典而行。然今茲之進祝。乃由忝等之誠意而發出。奉皇帝駕御法廷。已洞悉大法政府及人民之情意。其大法仁慈之政策。英偉之雄略。凡關於精神上。想已在洞鑒之中。忝確知此等情意。奉皇帝已深印於心腦中矣。忝又確知奉皇帝歐遊之舉。敝國胥同敬服。且將銘記之不忘也。今日太和殿上奉見。

皇帝臨御於先列聖所傳統之寶位。則回憶日者皇帝御臨於大法國列帝之宮殿。而此宮殿許多敝國偉大之遺跡。詎意百載後復得如是之湊巧。其粧飭輝煌之古殿。而又莊接此肅穆大駕之威儀。斯辰也於文武列侍中。奉皇帝光臨。不啻古辰羅馬天子儀衛。令人瞻仰不勝感想。今忝之敍述。非是爲勝景佳跡上點綴。正是因此次駕幸可爲將來雙方聯合性情之導線也。奉考皇越律例。則凡夫婦已同受三年之服者。不離婚。蓋以其曾共憂戚中。決無有分離之義也。法越於四年間。曾共此憂戚。聯爲一氣。以共担槍林彈雨中之艱重事務。夫此辰期正爲兩國交情最粘結之辰期。而奉皇帝如西。則寔爲兩國完婚者也。忝更進一祝云。兩國之婚誼。乃關於雙方所順諾之良緣也。皇帝幾若羅百條之線。以繫繫此信義心與大法國之寬洪量。而其間繼起另奉有行將長成之東宮皇太子也。忝竊願他日之安南歷史家。另大書特書以恭紀皇太子之歷史。猶之乎。擇吹蒙先生恭紀皇太子通昆公爵有云。「皇太子旣思盡其自己分事。且又深思遠慮。勵行臣子之大義。以克副他日主鬯之責。」日者在法國之歡迎。及交際上之親密。乃正爲將來敦睦之聯絡線上。而皇室及奉皇帝。有美滿之結果。下則安南國之幸福。亦因此而日進焉。奉

皇帝謀國之熱誠及保護國家寬和之政策。俾人民得以安居樂業。此竊想舉國之人所皆歆慕者也。茲敬祝。

◎御製答祝辭

寡人今年懸弧令節得貴大臣體意上國而進祝等辭爲寡人歷史上最光榮之一日而亦爲敝國民所最歡欣最頂祝之一日總而言之卽我法南兩國所最親密之一日也曷爲乎云蓋寡人近曾凌風涉濤與貴國重修舊好以爲國民謀前途而非如深居高拱辰之兩情有所扞格也今日卽爲寡人與貴大臣自上國甫回之後一月也寡人自捨安移火船登陸回宮每於萬幾之暇靜坐沉思忽回憶夫足跡所親履眼界所歷覽之風景之名跡之政治風俗之款接情禮不啻懸一幅大畫圖置一副收聲筒其神采聲響辰常繚繞往來於神經間而這畫圖外與聲筒外之天然景致絕妙聲音描不到收不來又辰常玲瓏鏗鏘於空空默默間令人望之聽之而不厭卽懷之而不忘也寡人常得親覩夫貴國列先帝之莊嚴宮殿輝煌哉壯麗哉此宮殿也貴國之政治今已日新矣而列帝之顯赫之燦爛的最大功業以與此輝煌壯麗之宮殿相稱者貴國人尙復碑之像之頌之無異辭可知貴國當君權昌明之辰代己能占寰球上最高尚之地步最超等之價值故其所種種之施設之建築際若爲貴國民族表樹一依攀大塔也寡人之爲此言非故阿其所好以誇示君權爭貴國於君主政體旣能占寰球之大名譽而於民主政體亦能樹寰球之大風聲則吾國之君主與民主政體可稱雙璧矣今貴國將此雙璧之影線以分炤於其所親密所聯絡之諸國如敝國者諒必隨其情勢而分授此諸人所仰望所敬愛之一分光影者此貴廷政府曾已爲寡人劃下一定方針也貴大臣是上國最聰明最稱當之代表人曾透到下國之民族倫理而敝國倫理則寔自家庭夫婦始夫婦以義合者也其親信慈愛之情諒非他人所可比擬故其夫能以義訓率其婦無輕侮心無薄倖態則其婦必然敬戒無違靡他其適古書云夫婦相敬如賓此夫婦之大義也貴大臣視我兩國如夫婦其相信相愛之情誠有如石引針琥拾芥而無可相離也然寡人又有進焉大臣旣提及夫婦之義大臣曾亦念及父母之爲子訂婚姻乎父母之心生男願爲之有室生女願爲之有家其爲子孫以謀家庭之幸福亦惟順其情以俯就之斷無有以強迫之權而能苟完此百年和好之良緣也法人乎兩人乎寡人願與列貴大臣盡心爲此子姓結團聚聯合之永遠緣因使苗裔長臻興旺而此興旺之時期則自今日始也此非寡人所最光榮國民所最欣幸而爲我兩國愈親熱愈固結之一日乎寡人皇太子今日在貴國遊學矣回憶去年今日令節在此殿前拜慶曾就貴大臣敬揖而今則遙接祝嘏回音於數萬重洋之上國都城此寡人之爲尊社謀國民謀法南提攜謀之一片誠心貴大臣諒已曉得且寡人之寄托皇太子於貴廷則寡人之愛子卽貴國之愛子也父母愛子之心我兩國其有同情乎茲願以親密之熱誠敬祝貴法廷長治久安貴政府保護中北兩圻貴文武諸大員及貴大臣並貴列康福薦祉併請感謝此最親切最感動之肝膈至詞茲敬祝。